

## **ORDENANZA Nº 35**

### **REGULADORA DO PRECIO PÚBLICO POLA PRESTACIÓN DO SERVICIO DE COMEDOR ASISTIDO NO CENTRO DE MAIORES “A BAIUCA” E COMEDOR A DOMICILIO.**

#### **ARTIGO 1.- CONCEPTO**

De conformidade co previsto no artigo 127, e segundo as normas contidas no capítulo VI do título I do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, este Concello establece o prezo público pola prestación dos Servizos de comedor asistido no centro de maiores “A Baiuca” e comedor a domicilio, especificado nas tarifas comprendidas no artigo , e que se rexerá pola presente ordenanza.

O comedor asistido é un servizo complementario do Centro A Baiuca destinado aos usuarios que cumpran os requisitos establecidos no regulamento do servizo. O comedor a domicilio é un servizo específico da Axuda no Fogar, tal como se define no artigo 14 do Decreto 99/2012.

#### **ARTIGO 2.- OBRIGADOS Ó PAGO.**

Están obrigados ao pago do prezo público regulado nesta ordenanza as persoas físicas que resulten beneficiarias do servizo de comedor asistido no centro de maiores A Baiuca ou aquelas persoas ás que se lles presta o servizo de comedor a domicilio como servizo específico de Axuda no Fogar.

Se o/a beneficiario/a carecera da capacidade para obrar, a dita obriga recaerá sobre quen ostente a súa representación legal ou, no seu caso, sobre quen exerza de feito o seu coidado.

#### **ARTIGO 3.- NACEMENTO DA OBRIGA DE PAGO**

Os prezos públicos contemplados nesta ordenanza se satisfarán con carácter posterior á prestación do servizo por mensualidades vencidas.

Por parte do concello, e sobre a base do parte de servizos prestados asinado por técnico de servizos sociais, elabórase un recibo/liquidación individual co importe correspondente ao servizo prestado no mes anterior. O importe mensual de cada usuario será o resultado de multiplicar o número de menús servidos no mes x o prezo unitario de menú fixado nesta ordenanza.

O pago deberá efectuarse mediante domiciliación bancaria. As excepcións a esta regra virán motivadas cun informe técnico de servizos sociais.

#### **ARTIGO 4. BASE IMPOÑIBLE E CONTÍA.**

##### **4.1.- SERVIZO MUNICIPAL DE COMEDOR ASISTIDO “A BAIUCA”.**

Aos efectos previstos para a aplicación das tarifas, establécese o prezo unitario de menú en 20,83 €/menú (base imponible).

<b>Capacidade económica</b>	<b>Participación no coste do servizo (porcentaxe a aplicar)</b>
Igual ou Menor do 0,80 do IPREM	0
Maior do 0,80 do IPREM e menor ou igual a 1,50 IPREM	2,08 €/menú (10%)
Maior de 1,50 e menor ou igual a 2 IPREM	4,17 €/menú (20%)
Maior de 2 e menor ou igual a 2,5 IPREM	8,33 €/menú (40%)
Maior de 2,5 IPREM	12,50€/menú (60%)

#### 4.2.- SERVIZO MUNICIPAL DE COMEDOR A DOMICILIO

Aos efectos previstos para a aplicación das tarifas, establécese o prezo unitario de menú en 19,35 €/menú (base imponible).

<b>Capacidade económica</b>	<b>Participación no coste do servizo (porcentaxe a aplicar)</b>
Igual ou Menor do 0,80 do IPREM	0
Maior do 0,80 do IPREM e menor ou igual a 1,50 IPREM	3,87 €/menú (20%)
Maior de 1,50 e menor ou igual a 2 IPREM	3,87€/menú (20%)
Maior de 2 e menor ou igual a 2,5 IPREM	7,74 €/menú (40%)
Maior de 2,5 IPREM	11,61€/menú (60%)

#### 4.3. DETERMINACIÓN DA CAPACIDADE ECONÓMICA DAS PERSOAS USUARIAS DOS SERVIZOS REGULADOS NESTA ORDENANZA.

O concello regulará o cómputo da capacidade económica de acordo cos seguintes criterios:

- a) Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2. da Lei 35/2006, do 28 de novembro, do imposto sobre a renda das persoas físicas: ingresos netos que se perciban procedentes de rendementos de traballo, incluídas pensións e prestacións de previsión social, calquera que sexa o seu réxime; os

rendementos de capital mobiliario e inmobiliario; os rendementos das actividades económicas e as ganancias e perdas patrimoniais.

- b) Computarase así mesmo o patrimonio neto de todas as persoas residentes na unidade de convivencia. Para estes efectos enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.
- c) A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.
- d) Para o cómputo da renda ou do patrimonio teranse en conta os datos correspondentes á última declaración fiscal dispoñible ou pensión coñecida.
- e) Para a actualización da información relativa á capacidade económica, as persoas beneficiarias do servizo presentarán, antes do final do mes de febreiro de cada ano, ou cando se produzan cambios na súa situación inicial ou ben a petición dos Servizos Sociais do Concello, xustificación documental das circunstancias socioeconómicas tidas en conta para o acceso ao servizo.

Establecerase un límite máximo de participación económica das persoas usuarias do 40% da súa capacidade económica.

#### **DISPOSICIÓN DERROGATORIA.**

Quedan derogados os artigos 1 e 2 do vixente Regulamento do comedor asistido centro de maiores aprobado en Pleno de 24 de abril de 2003 así como o párrafo 4º das normas de xestión.

#### **DISPOSICIÓN DERRADEIRA PRIMEIRA.**

O IPREM para o presente ano 2013 queda establecido en 532,51 €.

Para os vindeiros anos a súa contía será a que anualmente se estableza nos orzamentos xerais do Estado.

#### **DISPOSICIÓN DERRADEIRA SEGUNDA**

A presente Ordenanza, unha vez aprobada polo Pleno do Concello de Arteixo, será publicada na forma legal establecida e entrará en vigor o 1 de setembro de 2013, continuando a súa vixencia ata que se acorde a súa modificación ou derogación expresa.